

筆記小說大觀

集

雲間據目抄全

明范濂著

進步書局校印

雲間集

卷一

詩

清 范濂著

雲間據目抄

上海進步書局印行

雲間據目抄提要

是書為有明華亭范瀟氏所著共五卷
紀人物風俗祥異賦稅土木五類皆當
時三泖九峯間一一目擊者故以據目
名篇今讀其書有明中葉倭寇之屢犯
東南賦稅之供億重困外侮莫禦民生
日蹙載筆及此如繪鄭監門一幅流民
圖范氏誠深心人哉

雲間據目抄序

往余受業博士讀諸家草至范叔子一家言汪洋自恣軼輓近而遊高明有味乎其言之哉已余對公車邂逅存吾丁明府稱述叔子義甚高放達而多奇好情而倜儻與其文合私心愈益向往比令海上得交叔子歡則見其人森森乎如開玉府德儔乎若乘白雲而行廣漠蓋非天壤間恒有也未幾余以苦次去叔子送余黃龍之蕭蕭勤贈言把衣惜別欷歔久之吳中信多奇士第得叔子靡論其他迺今今臺中目瞻愴父拊缶而歌嗚嗚當是時思一見叔子若醴泉甘露安可得也而公輒置吏通其所撰雲間據目抄屬余弁諸簡首夫空谷聞足音輒喜矧讀其書要當貴然欣躍而為之序按據目抄凡五紀曰雲間者就雲間一郡之事書之也曰據目者為一郡實錄必目所睹記則書之也叔子生於嘉靖庚子自十齡以外涉世凡四十餘年其間人文之高下習尚之污隆財賦之增減與夫災祥薦至土木繁興其為時屢變其為變不一顧郡乘闕久矣不有紀述百世而下徵文獻觀理道者何以考諸此世道者所宜深念也叔子早謝學宮與世齟齬其負抱瑰瑋不獲自試遠迹江湖舊情魚鳥有慨於東寓目即書其事核其詞辨其論侃侃博綜一郡之典章而昭數十年

之鑒我概於立言君子叔子信不朽哉詰士懷竒抱異不得感會雲龍遭佐明主樹
竹帛之勲而徒循尺寸以希有聞曷若托千秋而垂大業夫馬之喻叔子蓋辨之矣
先是所著有空明子八篇詆訾當世或病其過激余謂叔子憤世之士遇事感發不
能避諸筆端然皆天下之公論若以意愛憎妄溢好詞曲加醜詆叔子無是也尚論
者誰之

萬歷癸巳孟春賜進士出身知三原縣事獲嘉高進孝撰

雲間據目抄目錄

卷一

紀人物

吳璩

龔情

馮恩

龔愷

周恩兼

王相堯

包節

董體仁

張之象

袁福徵

董宜陽

張仲山

徐獻忠

楊有為

何良俊

莫雲卿

馮行可

朱朝貞

李豫亨

俞顯卿

楊允繩

徐益孫

陸郊

陸應陽

朱察

朱察卿

張昉

孫得原

陸宗行

范允謙

倪邦彥

錢廉

陸從大

潘允哲

卷二

紀風俗

卷三

紀穉異

卷四

紀賦役

卷五

紀志水

附適園記

附愛日銘

附觀濠堂


王世貞詩二首

屠隆詩一首

沈嘉則詩一首

馮夢禎詩一首

莫雲卿詩一首



雲間據目抄卷一

明 華亭叔子龍鼎識

紀人物

昔者太史公。謂由光義至高。獨惜其文詞不少。概見而孤竹二子。乃幸其賢於孔。而聲施後世。嗚呼。其旨深哉。故豪傑之士。能以功名表見。彪炳史冊。所謂才與量合者。也。其有數竒運蹇。特立獨行。或功與勢違。或名與時背。如屈子自沉。伍胥賜劍。甚且困阨蓬壘。曾不得借君侯階前盈尺之地。一吐其竒。而賣志以沒。若此類者。亦可悲矣。向微逸史氏。闡發幽潛。以備載筆。異日或有采風者。尚論其人。何以稽焉。蓋子龍四十年來。郡以內所睹記人士。皆就其不得志於時者。撫拾行畧。而次第之。以俟後之君子。無由光之憾云。

吳稷

吳稷字舜弼。號石湖。公穎敏敦慤。年十五。居父喪。戚而有禮。治經屬文。精勤雅贍。正德甲戌。進士。授金華府推官。時蘭谿章文懿公家居。公虛己質。稷政學並進。會承康右姓馬甲。辱其邑令。公據法繩之。拂上官意。移調惠州。得與魏莊渠李各坪兩公相

守官求樂。裁省冗役。冗費。暑月行縣。疎釋繫囚。置規過櫓於郡門。以通民隱。立保甲法於七邑。以懲奸宄。中丞聶崇襄移文諸郡。期一一如吳惠州。有海豐令。以墨黜。猶治事。公露檄馳使逐之。令為按君鄉人。乃大迂。不得薦。遷荊府左長史。服除。改徽府。公皆不薄其官。進賢王箴。芸憲賦。以寓規誨。致仕歸。老於東城之垌。非公事。跡不履塵。有司延鄉故大賓。問赴之。服膺莊渠谷坪兩公求仁致知之學。四十餘年。潛思竇路。問有疑信者。則與唐中丞順之。陸宗伯樹聲。參互演証。年逾大耋。猶著行壽編。以自勗。身後數月。督學耿公登堂奠謁。旋採輿評。秩祀鄉賢祠。所著有自園稿。宦游稿。石湖漫稿。破愚錄。史綱纂要。藏於家。而皇明正學編。尤裨道脉云。

馮恩

馮恩字子仁。號南江。由嘉靖丙戌進士。以行人出勞兩廣大帥王文成公。因薦東修為第寺。文成公甚器之。已擢御史。分司留臺。先與刑曹抗論執訊獄牒體。尋疏論留守魏公。不得越。正役衛卒。時汪御史大夫鉉愼而險。能窺伺上旨。沮折其屬。又阿諛時相。數更職。守自固。公疏論之。有身軀不滿五尺。罪惡貫於四凶之句。會上方喜新貴。人議分處南北郊。又欲令皇后出蠶北郊。而極其不合者。以邪徒闢之。中外惴惴。公

獨抗疏援古親蠶郊祭之禮。極陳時政乖違災變。勸上速停二議。開言路。且以蠶織之用元凱。而唐宋之狗林甫。安石為戒。當公具草時。分且得逮。後俱報聞。公益慮當會彗星見東井。遂抗疏論汪鉉為腹心彗。並及二相臣。宜亟罷。復傲范希文百官圖例。悉品諸大臣得失。詞甚峭厲。上怒甚。馳緹騎逮之。下詔獄。適汪大夫還太宰。以例會審南闕門。汪執筆。令校卒持公轉膝面之。公即起立不跪。辯甚強項。汪遂以上言大臣德政律。署公情真。法當斬。公挺身出不顧。觀者皆嘖嘖歎曰。是御史鐵膽鐵骨。相傳為四鐵御史。且錄其語流播中外。及冬。當就法。有遺公藥者。公曰。御史陳事不當。惟有伏歐刀都市。申明主三尺耳。何以藥為。後得減戍雷州。後赦歸。雷人祀之十賢堂。以配宋寇準李光輩。公材大蚤廢。居恒慷慨。謂猶可為德於一鄉。出橐貲買瘠田。募貧人佃之。教以計然之策。會有天幸。旁畝益拓。所入漸廣。乃推贈三族之貧者若干人。又贍布衣交貧者若干人。會倭亂。有士女避徙者。公皆授廬傳糴。以濟之。大飢疫。煮粥劑藥。所全活甚眾。穆廟初御極。旌諸言事者。公年七十餘矣。銓曹難其老。疏進大理寺寺丞。再加朝列大夫。死之日。弔者如市。郡邑大夫請祀鄉賢。所著有為義集。行於世。

周思兼

周思兼字叔夜號萊峰。公年十八。為諸生。才氣橫溢。下筆千言。不能休。常為古詩歌。陸文裕公見而奇之。曰。吾年二十發解時。不辨生此語。舉嘉靖丁未進士。授平度州知州。多惠政。時藩府閹縱奴奪民產。有僉事某者。捶其奴斃之獄。閹嗾王奏之。將擬重辟。當道檄公再訊。僉事竟得如故官。旁郡飢民掠食。幕府將加勦。公曰。此輩赤子。饑寒食耳。奈何激之為變。亟作小木牌數千。為招輯語。散置四郊。皆得就撫。為良民。舊曹因攷公治行。最擢繕部員外。督廠清源。州人遮道哭送。立祠生祀之。在清源。會河勢將決。公為禱於神。募民囊土築堤。身立赤日中督之。堤成三日。而秋漲大發。民得無魚乎之患。已擢湖廣僉事。除宗庶五將軍豪橫。殲巨盜劉某於江黃間。聲稱尤著。會丁內艱。前後哀毀。鷄骨服除。竟不復仕。優游林泉者逾七年。足跡不入官府。屬歲飢。食指不給。閉門食貧。終不為人關說一事。時或操小艇。攜圖書數卷。游吳越佳山水間。絕不令人知。其他隱德。不可勝紀。廟堂方大用公。超拜廣西督學副使。竟遭辭獲辜。朝野惋歎。諸生請祀學宮。因私諡公於鄉。曰貞靖先生。公文駕軼蘇長公。詩歌類太白。已稍出入歐曾。詩宗王孟。善行草。兼工小畫。所著有西齋日錄。學道紀言。

及周叔夜集行於世。

范叔子曰。陳仲子三咽井李。以名行自持。亦苦矣。孟軻氏猶斥其矯。龐何刻。然觀世薦紳。營營逐利。雖有陶朱猗頓之富。日事干請。如飢犬乞憐。甘為有司執。慢富此之時。得一陳仲子者。豈不猶然稱巨擘哉。廼有閉戶食貧。如萊峰先生者在也。嗟。嗟。其人既逝。我將安放其先生之謂與。

包節

包節字元達。號蒙泉。舉嘉靖壬辰進士。公孝友天植。忠義性成。東道姪郭。臺。蘇。不。兩使滇閩。再按湖南。能令豪右權奸。秉跡斂手。風裁凜然。會忤奄監。誣以震。謫戍莊浪衛者。十有二年。聞母弟殞謝。哀毀而卒。識者惋歎。公文宗。西京。五。言。有開元風骨。皆窮而益工。莫方伯如忠。比之虞卿云。所著有包侍御集六卷。范詩類選三十卷。行於世。

范叔子曰。節與弟孝。時稱兩包。即予同里人也。家君嘖嘖道其少年讀書事。甚。兩公皆奇才博學。相繼脫穎。並為國朝名御史。迹其一時。詎不赫赫稱盛哉。乃見。以。客死。弟以病歿折。竟不得收善後。遐齡之慶。豈亦天道忌盈與。此昔人所以喻。窮。

也。通者輕譚誇劣之子。幸應學宮。遂多盛滿。嗚呼。孔公傷器小。有旨哉。

張之象

張之象字玄超。號王屋。公為人體貌傴僂。如不勝衣。而剛腸勁氣。獨立物表。平居議論。臧聚勢持。正不阿。與人交。不以盛衰為軒輊。常憤時俗趣炎。乃反傳咸意。者叩頭出賦。以見志。單門後進。少有拔俗之韻。必多方延譽。其敗名傷檢者。即顯赫亦擯斥不少。假邑有董氏者。其後輩貴盛。驕直而尊行。某故禱祝也。偃然執分自倨。其後輩不能平。遂指為張姓。訟而斥焉。公心異之。為賦一詩云。秦庭未省非張祿。漢室原知是董生。相傳以為絕倒。後訊者。竟據此剖其事。公富於學。故其詩之工緻多類此。自謂一生不敗暗室。常渡渚中流風惡。舟人皆失色。公神宇恬穆。口占一絕。有暗想生平何所繼。三辰晏起一科頭之句。公既性不偶俗。獨喜閉戶著書。冬夏不輟。其詩爾雅冲澹。有魏晉風。其文閎深奧衍。出入東西京。床頭惟擁千卷。終身不識銖兩會計。以故家徒四壁立。間從諸貴人遊。或羅綺滿坐。公獨敝衿竹籬。披襟命麈。旁若無人。蓋公所挾持者甚重。不在世味中也。海內名卿鉅公。聞願交者。望如景星。四明豐存禮豪士也。讀公文。咤曰。天生老豐。何復生此子。邢子愿。東魯逸才。生稍晚。意公已化去。

後行部至松。喜公尚在。數存之。里巷為置買山錢若干。其他先輩。若金陵顧華玉。璠。許仲貽。穀。吳門蔡九達。羽。文徵仲。徵明。王履吉。寵。彭孔嘉年。吾鄉徐伯臣。獻忠。何元朗。良俊。董子元。宜陽。皆與公為莫逆交。頃麓一時。此可知公臭味矣。公常稍從。裨仕。為浙藩幕。既謝去。卜築秀林山麓。其地多怪石。清泉。烟扉月榭。叢竹茂林。及諸仙釋名蹟。苔射鮮沒。舊無物色者。公一一題咏。山靈遂為生氣。所著書。及纂輯先代書。不下千卷。藏於家。公有子。諱雲門。登隆慶庚午鄉薦。先公卒。孫齊顏弱冠領萬曆乙卯薦。奇才潔行。卓犖一時。人以為公厚積之報云。

董宜陽

董宜陽。字子元。先世汴人。南渡徙居上海吳會。又徙居沙岡。人稱紫光先生。復自號七休居士。公於書無所不窺。獨究心當代典故。郡文獻游太學。名動都下。屢試弗第。遂棄去制舉業。工古文詞。詩法高岑。晚嗜元白體。文法先秦。間出入曾王家。指書微。永興行草法智永。生平嗜好。惟書史古石刻名帖。日坐一室。手丹鉛校勘。至丙夜不休。與同里張玄超。徐伯臣。何元朗。號稱四賢。所游海內名人。即顧司寇璘。文待詔徵明。許奉常穀輩。卓然以文名家。尤敦尚行誼。與弟宜旭分產。先為文。泣告先祠。推故產。